

HEINRICVS SEPTIMVS IMPERATOR.



HEinricus eius nominis septimus filius fuit Heinrici comitis de Lützelburg, & Beatrixis comitissæ Hannoniæ. fratres habuit Vualtramum, comitem strenuissimum, & Balduinū Treuirensem præfulem: cum quibus omni genere literarum & cunctis uirtutibus educatus & instructus fuit. Fratres tamen suos integritate, pietate, prudētia, & armis longè superauit. quantumuis enim ei paternæ opes magnæ non fuerint, tamen ea inde le erat prædictus, ut cunctis rex natus uideretur. Cū itaq; Albertus Rodolphi filius occisus esset, Electores Franckofurti conuenientes Heinricum comitem Lützelbergensem Cesarem declararūt, fratre Balduino plurimū adiuuante, id quo d factum est calendis Nouemb. an no 1308. Electus itaq; Aquisgrani à Heinrico Colonensi episcopo coronatur.